

濶洲島

在東京灣之東北隅，即位於雷州半島沿岸之西約二十六浬。該島東至西約三浬，南至北約四浬。島中最高峰在島之東，高達二百七十九尺，樹木甚少。本島南岸之南灣，闊約一浬，水深四尋至五尋，為良好之泊錨地點。除吹東風、南風及東南風外，皆可保障，然偏南風甚稀，即有而風力亦不強也。灣口幅一浬四分之一，水深一尋半至二尋之淺灘達半浬。

該島居民約六千人，皆半農半漁。然農業、漁業均甚幼稚，其所有之農產物及漁獲物足自供膳食，亦為主要之食料品也，漁獲物以運銷北海為多。

本島距離東京灣甚近，而東京灣為一大好漁場，故各地來此灣停泊之捕魚船甚多。東北風時北海及雷州半島各地之漁船多來此島駐泊。在九月至十二月，泊於該島之漁船約有二百餘艘。

(中華民國廿二年四月出版 南京圖書館 廣東建設月刊第一卷第六期 漁業專号)